

1.1 FylkesFOTOarkivet (Utdrag frå IKA Møre og Romsdal si offisielle årsmelding)

Innleiing

FylkesFOTOarkivet (FAK) sitt 2. driftsår under IKAMR markerer ein overgang frå arbeid med mindre fotosamlingar til større fotografarkiv.

Dugnadsarbeidet med "DIS-gjengen" har vore konsentrert om registrering og digitalisering av fotografarkiv frå perioden 1940-1980. I tillegg har DIS ajourført brukaropplysningar som har kome inn i nettbasen.

Jubileet "Fotografiet 175 år" vart markert som hovudtema under "Arkivdagen 2014".

Frå Norsk Kulturråd/Norsk kulturfond fekk FAK kr 80.000 til digitalisering av fotograf Magne Mulvik sitt arkiv frå Sunndal.

Hovudoppgåver 2014

Digitalisering og registrering av fotografarkiv

Formidlingsarbeid og eksterne oppdrag

Konsulentarbeid og digitalisering for og ved Nordmøre museum

Hovudansvar for «Arkivdagen 2014» med tema «Fotografiet 175 år»

Fagleg arbeid, internt

FAK har i 2014 hatt fokus på arbeid med arkiva etter dei profesjonelle fotografane. Mottak av fotograf Sverre Oksavik (1927-2007, Haram) sitt arkiv på slutten av 2013, og fotograf Håkon Haug (1907-1969, Ålesund og Skodje) sitt arkiv i 2014, har for alvor endra arbeidsoppgåvene.

I tillegg har det vore arbeidd mykje med arkiva etter Magne Mulvik (Sunndal) og fotograf Martin Velle sitt arkiv (Ørsta).

Oppgradering av fotodatabasen i Sogn og Fjordane har teke mykje lenger tid enn planlagt. Dette har medført redusert oppetid, ustabilitet og frustrasjon. Ein direkte konsekvens av dette er at det har vore ein nedgang på 50% av brukarkommentarane¹. I tillegg har det vore stopp i opplasting av nye bilete.

Fotoarkivaren avslutta i 2014 arbeidet med digitalisering av SEFRAK-skjema for Fylkeskulturavdelinga.

Fagleg arbeid, eksternt

Samarbeid med museum:

Nordmøre museum - digitalisering, registrering og konsulentarbeid

Samarbeid med sogelag:

Ørskog Historielag - Nyregistrering og digitalisering av bilete

Samarbeid med kommunar:

Sunndal kommune - Mulvikarkivet, digitalisering og registrering

Ørsta kommune - Vellearkivet, digitalisering og registrering

Samarbeid, nasjonalt:

Overføring av Widerøebilete til Nasjonalbiblioteket og samarbeid gjennom det nasjonale nettverket for foto som FAK/IKAMR er medlem av

Samarbeid, andre:

Sunnmøre politidistrikt - digitalisering og registrering

¹ Brukarkommentarar er opplysningar om bileta som publikum kan legge inn direkte knytt til det einkilde biletet.

Formidling

FAK sine bilete vert formidla gjennom databasen Fylkesarkivet i Sogn og Fjordane. Delingsfilosofi, sjølvbetening og fri nedlasting av bileta som ligg ope på nett dominerer. I alt var det 50 tingingar med rekning. Samla bruttoinntekter i 2014 var kr 240.000.

Kjell Skorgevik si bok «*Fotografer i Ålesund i glassplatenes tid*» vart lagt på nett som søkbar «blabok».

Arkivdagen 2014

Laurdag 8. november inviterte IKAMR til "Arkivdagen 2014" med utstillingar og foredrag. Tema var "Fotografiet 175 år". I samband med grunnlovsjubileet hadde Britt Walle Ekroll sydd saman eit foredrag med utsøkte bilete av ålesundskvinner i sin beste stas.

Hovudforedraget var «*Fotografi som nasjonsbygger - norsk fotohistorie 1840-1940*». Historikar Roger Seemann Erlandsen heldt dette foredraget i Sunnmørsposten sitt auditorium. Lektor i media ved Høgskulen i Volda, fotografmeister Gaute Hareide, kunne same stad syne fram, ta i mot og fortelje om gamle fotografiske teknikkar.

I Kirkegata 10B var det fullt med foto heile dagen.

Fotoutstilling med fotograf Martin Velle (1905-1989) sine premiebilete.

Malvin og Øyvind Dalhus administrerte ei kamerautstilling.

DIS-gjengen hadde ekstra dugnadsøkt og fotoarkivaren heldt lynkurs og demonstrasjon av søk av bilete i databasen.

«DIS-gjengen»

DIS-gjengen er nemnd innleiingsvis. I alt var det 36 dugnadskveldar i 2014. Omsett i "kveldsverk" à 3 timar tilsvarte dugnadsinnsatsen i 2014 over 800 arbeidstimar!

Fylkesbiblioteket stiller lokale til disposisjon. Til administrasjon av dugnadskveldane, klargjering og etterarbeid, brukar FAK om lag 20% av arbeidstida. IKAMR sin leiar for Kulturnett har vore med på 6 av dugnadskveldane i 2014.



Dugnad med DIS: Kåre Stafset og Reidun Vinje Collao digitaliserer fotografarkiv

Fotograf: Ragnar H. Albertsen

FylkesFOTOarkivet i tal

	31.12.2013	31.12.2014	Tilvekst 2014
Bilete i alt *	254 418	255 268	850
Bilete i nettbasen, internt søk	172 239	174 290	2 051
Bilete i nettbasen, eksternt søk	153 531	157 707	4 176
Brukarkommentarar	10 000 ca	10 610	610
Av desse: Nordmøre museum	27 383	27 606	223
Arkiv/samlingar under FAK	1 244	1 255	11

I omgrepet «bilete» meiner vi her negativ, glasplater og papirkopiar (reflekskopiar) eksklusive dublettar.

* Tal bilete FAK disponerer iflg. register. I tillegg kjem materiale i fotografarkiv det er uråd å setje tal på før dei er digitaliserte. Tek vi med bilete frå eigen dokumentasjon nærmar samla tal bilete FAK eig og disponerer 600.000 stk.

Heimesider

FAK sine heimesider, www.fylkesfotoarkivet.no, vart jamt oppdatert med småhendingar frå arbeidet gjennom heile året.

Magasinarbeid

Den største fysiske tilveksten er arkiva etter fotograf Håkon Haug og Sissel Haug Strømmen. FAK fekk desse arkiva i gåve frå Siri Strømmen Briskemyr hausten 2014.

10 hyllemeter med 250.000 negativar frå SEFRAK-prosjektet vart i 2014 flytta frå Fylkeskulturavdelinga til permanent oppbevaring i klimamagasinet. Arkivet inneheld negativ med bilete av 44.788 gamle bygningar i fylket.

Seminar – Møter – Reiser (Utvalde)

- 16.01.2014: Møte med Sunnmørsposten om digitalisering av pressearkiv
- 07.02.2014: Møte, Jugendstilsenteret, Elsebeth Jørgensen
- 14.02.2014: Reise Volda, Austefjord, registreringsopplæring
- 15.02.2014: Reise Nordfjord, Sandane, registreringsopplæring
- 24.02.2014: Årsmøte, Møre og Romsdal fotograflaug
- 02.03.2014: Reise: Surnadal, opplæring i databaseregistrering
- 13.03.2014: Reise, Årsmøte og seminar, IFF - Institusjonsfotografenes forening, Oslo
- 27.03.2014: Reise, Arbeid med ETC-arkivet, Kristiansund bibliotek
- 03.04.2014: Møte, Ålesund Guideforening
- 05.05.2014: Reise, Landskonferanse i Fotobevaring, Oslo 5. og 6. mai
- 07.05.2014: Reise, Nettverks møte fotobevaring, Oslo 7. mai
- 08.05.2014: Reise, Sunndalsøra, møte i kulturutvalet, ope møte "1814-2014"
- 03.09.2014: Kveldssete i Ørskog Historielag, om FAK
- 07.09.2014: Haustmøte, Møre og Romsdal fotograflaug
- 11.09.2014: Haustmøte, Institusjonsfotografenes forening, Lillehammer
- 17.09.2014: Reise, Rindal, opplæring i nettbaseregistrering
- 29.09.2014: Reise, nettverksmøte, Preus museum i Horten
- 09.10.2014: Reise, møte med Fylkeskultursjefen
- 08.11.2014: Arkivdagen 2014, foto som tema
- 19.11.2014: Møte Ellingsøy kirke, fotoforedrag: "Bilete og folk frå Ellingsøy".

I tillegg har fotoarkivaren hatt ti reiser med doble arbeidsdagar ved Nordmøre museum i Kristiansund.

Ekstrahjelp

Erlend Aakvik og Vegard Aasen arbeidde ved FAK som sommarhjelp i tre veker kvar. Arbeidet var digitalisering av fotoarkivet etter fotograf Magne Mulvik i Sunndal og transkribering av protokollar.

Sølvi J. Knudsen digitaliserte i 2014 pressebilete for Sunnmørsposten og digitaliserte negativ frå Hornearkivet for Fylkesarkivet i Sogn og Fjordane.

Utstyr

Det vart kjøpt inn nytt digitalt fotoapparat og 2 stk berbare datamaskiner. Utstyret har vore viktige investeringar til arbeidet for sommarhjelp og under DIS-dugnadane.

Økonomi - Ressursar

FAK sine inntekter i 2014 var på ca kr 240.000. Hovudinntektene i 2014 kom frå eksterne oppdrag. Økonomien ved FAK er god med eit rekneskap for 2014 med god margin på plussida.

FAK har god nytte av IKAMR sine interne ressursar. Her nemnast særskilt hjelp til datadrift og dagleg samarbeid med leiar for Kulturnett.

Flytting av Fylkesfotoarkivet

I samband med flytting av FAK frå Ålesund Museum til IKAMR har det i 2014 vore fleire møter mellom partane for å avklare rettar og bruk av FAK sitt arkiv. Desse samtalene var ikkje ferdige ved årsskiftet.

Ragnar H. Albertsen, mars 2015